

Pakatan: Kami sudah bersedia hadapi p'raya November
MalaysiaKini.com
4 September, 2012
Oleh Hafiz Yatim

Mesyuarat setiausaha Pakatan Rakyat juga merasakan pilihan raya umum ke-13 (PRU13) paling awal akan diadakan pada bulan November kerana ada petanda jelas yang Perdana Menteri, Datuk Seri Najib Abdul Razak berminat dengan angka 11.

Setiausaha Agung PAS Mustafa Ali berkata Pakatan telah bersedia sejak tahun 2011 lagi, dan kini persediaan mereka sudah mencapai 100 peratus.

"Ya, Pakatan bersetuju tanda-tanda menunjukkan pilihan raya paling awal bulan November, atau jika tidak akan diadakan tahun depan.

"Ia tidak bermakna jika BN mengadakan pilihan raya pada November, mereka akan menang besar kerana sejarah telah membuktikan sebaliknya," katanya.

Turut hadir dalam mesyuarat itu adalah Dr Mohd Hatta Ramli, Teresa Kok dan Anthony Loke (DAP), dan Naib Presiden PKR, Nurul Izzah Anwar dan Chua Tian.